

THE
JOURNAL
OF
THE
ROYAL ANTHROPOLOGICAL INSTITUTE

1907

欽定平定陝甘新疆回匪方略卷二十七 壬戌年

十一月初四日 壬子勝保奏言 臣由朝邑馳抵同

州逆匪聞大軍將至均已退回老巢固守現復
分股滋擾同州西路所屬之蒲城白水一帶 臣
相度機宜必須步步爲營節節進剿併我兵力
擣其老巢庶可痛加剿洗先派副都統常海等
帶領馬隊於距城十五里之新橋口過河相機

進剿並派已革知府袁懷忠等帶領步隊列陣
楊家河以爲接應 臣親至陣前調度我馬隊甫
過洛河卽遇賊探數十人馬隊乘機追殺直追
至車村賊營立將賊莊焚燬賊向王閣村羌白
鎮逃竄我兵跟蹤追殺該逆於王閣村羌白鎮
兩處賊巢中糾合匪衆約七八千很命來撲經
我兵擊斃數百名當將王閣村附近回村焚燬

數處我兵徐徐收隊至新橋口屯紮詎該逆愈聚愈多竟敢跟蹤而至當經臣揮今步隊嚴陣以待一面傳令將馬隊撤回里許誘其過河以便夾擊該逆分三路梟水來撲臣商令將軍穆騰阿督帶馬隊迎其左副都統祥恩督帶馬隊迎其右齊力轟擊該逆敗退我軍馬隊由兩翼跟蹤包抄而下逆衆披靡傷斃約四五百名撲

河淹斃者不計其數統計是日斃賊一二千名
奪獲羸馬器械無算臣抵同未及三日獲此全
捷差可壯我軍威當卽派兵於同郡西南之新
村楊家河一帶分布紮營相機進取並派參將
王致祥等帶領步隊一千二百名在華陰所屬
之三河口扼要紮營以杜賊匪由渭洛東竄兼
顧後路惟臣軍營餉需久已匱竭直隸河南兩

省積欠皆至十餘萬之多僅賴山西一省協餉
安能濟事而陝西則更諸事爲難種種掣肘並
軍火等項亦難望其接濟糧臺支絀萬分惟求
聖明洞鑒苦衷俯授方略俾臣得所藉手不至停兵待
餉譁潰立形大局幸甚

勝保又奏言臣營餉需支絀歷經奏

聞前奉

諭旨命瑛棨按月撥給不准推諉貽誤仰見

訓諭煌煌明燭萬里然求其所以支絀之故固由於撫

臣瑛棨之推諉實由於藩司劉齊銜之貽誤自

臣東行一月以來陝餉初未撥解分毫而同郡

所屬之郃陽韓城澄城白水等縣徵存地丁及

徵收捐輸項下尙有數萬何難就近抵撥月餉

乃該藩司既不籌解又不抵撥僅將數千餉銀

零星塘塞近日由潼關援勦邵陽進紮同郡竭力籌措僅發四日口糧數日之間又已罄盡

臣

前在咸陽曾詢之雷正綰其所部軍餉是否按

月支發據稱該藩司亦有抑勒情事

臣因餉需

支絀不得已勸捐助餉於省城漢回各紳內共

捐四萬三千餘兩

臣

出省時卽向瑛瑑面定雖

由大營勸捐仍令交納藩庫以一半充大營軍

餉以一半接濟本省要需已屬準理持平乃自
臣離省聞捐戶赴司交納銀兩藩司屏之不收
不知是誠何心劉齊銜履任至今僅祇三月而
積欠月餉竟至六七萬之多昨聞奏定各省協
濟餉銀五十萬兩原因陝軍而設業已派員分
提運解此後解到時必由潼關經過自應先期
商定截留抵撥以濟軍需乃該撫臣密囑委員

勿爲臣等所知皆係該藩司授意主持實堪痛恨相應請

旨將署陝西藩司糧道劉齊銜卽行撤任另委公正大員署理以專責成至河南月餉曾經奏明奉

旨令將軍火餉銀源源接濟現已貽誤軍餉三月之久復巧詞搪塞以奏定月餉有著之款撥抵陝西歸於無著以自掩其玩誤之咎實屬巧猾已極

相應請

旨將該藩司王憲照部定欠解軍餉新章先行議處以
示薄懲而儆效尤奏入

上命議政王軍機大臣傳諭勝保曰該大臣自稱抵同
未及三日獲此全捷而王閣村等處賊巢憑寨抗拒
兵勇既不能進攻賊轉得以跟蹤來撲是逆燄未嘗
少戢現經穆騰阿等馬隊將賊擊敗著勝保卽督率

各軍乘此迅速進兵實力攻勦務將王閣村等處逃
回痛加撻伐力整軍威毋再遲延粉飾致干重咎至
所稱軍餉匱乏情形本日業經諭令瑛榮責成籌款
運解及時接濟署藩司劉齊銜玩誤各情併令查明
具奏其河南月餉未能解濟所稱藩司王憲巧詞搪
塞之處亦經諭令張之萬查奏辦理如果該二員確
係有心玩誤諒該管巡撫等亦不敢不據實奏叅各

路軍營餉需均屬匱乏勝保亦不得以餉源未裕爲詞弗自振作致貽遷延貽誤之罪希圖卸責也

上又命議政王軍機大臣傳諭瑛棨曰劉齊銜署理陝省藩司籌餉是其專責勝保等軍營餉需自應設法籌濟豈容膜視勝保所奏劉齊銜種種掣肘勒措情形是否實有其事著瑛棨確切查明據實覆奏不准稍有徇隱

上又命議政王軍機大臣傳諭張之萬曰豫省應解勝
保軍營協餉共欠若干該藩司是否有心延誤著張
之萬查明具奏並催令將欠解月餉趕緊籌解毋誤
要需

勝保又奏言探聞逆回復糾集大股賊衆分爲
兩路一由王閣村渡河一由西北竄龍山而來
乘我軍在新南莊紮營未定之際很命來撲

臣

聞

當卽齊集馬步隊伍奮力迎敵自午至申鏖戰
三時之久始將賊匪擊退奏入報

初十日

戊午

勝保奏言

臣

抵同後接仗獲勝該逆

恐我兵擣其老巢復糾集王閣村羌白倉頭潘
驛各鎮回匪撲過洛河將我兵所紮西關以外
之營層層圍裹我兵奮力迎擊斃賊一二百名

賊始退去 臣傳令兵勇添築營盤該逆竟敢冒
雪來擾於七里鋪一帶更番很鬪我兵一面修
營一面排隊見仗來往衝壓斃賊甚夥該逆見
我軍節節前紮志在進擣老巢匪衆情急起傾
巢之衆分爲五股直撲各營 臣與穆騰阿親督
各軍亦分路迎擊逆衆撲至各營濠邊勢極兇
猛各營待其撲近齊用槍礮環擊匪衆披靡我